



Aatsitassanut Aqutsisoqarfik

Sags nr. 2015 – 2319
Akt. nr. 1314966
Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

VVM pillugu tusarniaanermut akissut misissuinissamut akuersissummut 2007/02-mut tunngasoq

Matumuuna Pinngortitamut Avatangiisinut Inatsisinillu Atuutsitsinermit Naalakkersuisoqarfimmiit Ironbark Zinc Limited-ip Kalaallit Nunaata Avannaani Citronen Fjordimi zinkimik aqerlumillu piaanissamut qinnuteqaataanut misissuinissamik akuersissummut 2007/02-mut tunngatillugu Avatangiisinut sunniutinik naliliinera pillugu (VVM) tusarniaanermut akissutaa nassiupparput. Tusarniaanermut kingusinnerpaamik akissuteqarnissaq 1. december 2015 nal. 16 killigitinneqarpoq.

Avatangiisinut Upalungaarsimanermullu Immikkoortortaqarfimmit oqaaseqaatit

Aallarniutigalugu oqaatigineqassaaq VVM-mi kemiskiusut avatangiisinut tunngasortai Naalakkersuisoqarfimmit isummersorigineqarsimanngimmata. Tamatumunnga Naalakkersuisoqarfiup kemiskiusut avatangiisinut tunngasortaanut nassuiaatigineqartunut killilimmik ilisimasaqarnera pequtaavoq.

Umiarsuarnik assartuussineq

Avatangiisinut Upalungaarsimanermullu Immikkoortortaqarfik isumaqarpoq, aatsitassarsiorfiup pilersikkiartuaarneqarneranut tunngasut VVM-mi nassuiaatigineqarsimanngitsut. Illuatungaanilu aatsitassarsiorfiup ingerlanneqarnerata nalaani umiarsuarnik assartuisarnissaq nassuiaammi annertuumik sammeneqartut. Avatangiisinut Upalungaarsimanermullu Immikkoortortaqarfimmit VVM-mi aatsitassarsiorfiup pilersikkiartuaarnerata nalaani umiarsuarnik assartuussisarnissaq ilanngunneqarnissaa innersuussutigineqarpoq.



Uuliaarluerneq taassuminngalu killilersimaarinnineq

VVM-mi uuliaarluertoqartillugu imaani sunniutaasussat nassuiaatigineqarnerat ataatsimoortumik isiginnilluni sammineqarpoq. Avatangiisinut Upalungaarsimanermullu Immikkoortortaarfik isumaqarpoq, avatangiisinut sunniutaasussat ikummatissaq umiarsuarnut atorneqartoq assartuunneqartorlu suunera naapertorlugu nassuiarneqarsimasariaqartoq.

VVM-mi nassuiaammi uuliaarluertoqartillugu upalungaarsimanermut pilersaarussiaq kingusinnerusukku suliarineqarumaartoq oqaatigineqarpoq. Avatangiisinut Upalungaarsimanermullu Immikkoortortaarfik isumaqarpoq VVM-mi nassuiaammi Kalaallit Nunaata imartaani EEZ-anilu ajutoornikkut uuliaarluertoqartillugu saliinissamut qanorpiaq periarfissaqarnerisammisariaqartut. Ajutoornikkullu uuliaarluertoqartillugu atortut uuliaarluerfigisap salinneqarnissaanut atorneqartussat assartuunnissaannut atorneqarnissaannullu periarfissat aporfusinnaasullu suunersut VVM-imissaaq sammineqartariaqartut.

Imermik pilersuineq

Imermik pilersuinissamut pilersaarut isumakulunnarpoq. Imeq tasermit Platinovameersoq atorneqartussaavoq, taannalu imermik Østelvenimeersumik annertuumik pilersorneqartussaavoq. Østelven-ip aatsitassaqarfiusoq "discovery-zone" aqqusaartussaavaa, aatsitassartaqarfiusorlu tassanngaanneersoq piiarneqartussaavoq. Maannamullu misissueqqissaarnermit paasissutissat pigineqareersut takutippaat, Østelven annertuumik aatsitassartaqartoq, piffissallu ilaani erngup pitsaassusissaanut piumasagaataasunut killigitinneqartunut misissoqqissaarneqartut arlaqartut qaangiisimasut. Taakkununga ilaapput zink, aqerloq, cadmium, aluminium saviminerlu erngup pitsaassusissaanut piumasagaataasunut killigitinneqartunut annertoerjussuarmik imermut akuusut siumugassaasut. Ilanngulluguttaaq ilimagineqarpoq aatsitassat annertuumik imermut akuusut aamma svolvitaqartuusut, taamaalluni imeq seernartunngortillugu imigassatullu atorneqarsinnaajunnaartitsisuullutik. Erngup seernassusaa (pH-værdi) Platinovamiittoq 1,8-miippoq, taannalu appasissupilussuavoq. Taamaattumik erngup imigassatut pitsaassusaata salinneqartariaqarnissaa annertuumik ajornartorsiorfiunissaa naatsorsuutigineqartariaqarpoq.

Imeq pilersuinermit atorneqartussaq sukumiinerusumik misissorneqarnissaa innersuussutigineqarpoq. Ilanngullugu imeq isumalluutigineqartoq tasermit Platinovameersoq aamma Østelvenimeersoq allamik taarserlugu periarfissaqarnerisammisissorneqartussaq innersuussutigineqarpoq.

Taseq Esum

Taseq Esum sikusartuuvoq. Taserlu aasaanerani tassanngaannartumik imaartartoq ilisimatitsissutigineqarpoq, taamaaligaangallu Taseq Esumip kuuata aqqutaa narsaamaneq uluuttarlugu. Taseq Esum angisoorsuuvoq (14,5 km²), taamaattumillu annertuupilussuarmik imertaqartussaalluni. Taamaattumillu ulussaarsuartsisinnaanera aarlerinaateqarpoq, tamannalu pisinnaalluni taamaaleriataarnissaanut pissutsit eqqortut atuunneranni. Taamatut pisoqarneratigut mittarfik ulunneqarsinnaavoq nunallu iluaniittut sulluliat aatsitassarsiorfiusut ilanngullugit kuuffigineqariaannaallutik.

VVM-imi nassuiaammi Taseq Esum imaluunniit kuuk aatsitassarsiornermit sunnerneqarnaviangitsoq taamaallaat nalilerneqarsimavoq. Taamaattumik Taseq Esum-ip kuuatalu aatsitassarsiornermut sunniutigisinnaasai ilanngullugu naliliiffigineqarnissaat innersuussutigineqarpoq. Tassungalu atatillugu



Taseq Esumip erngata annertussusaa taassumalu qanoq annertutigisumik aseruisinnaanera tatsip tassangaannartumik imaariataarneratigut ilanngullugu naatsorsorneqassasoq (nalinginnaasumik Jøkelløb-mik taaneqartartoq) innersuussutigineqarpoq.

Silap pissusaanut, Nukissiuuteqarnermut, Pinngortitamullu Immikkoortortaqaqfiup (SNPI) oqaaseqaatai

Umiarsuit utertarlutik ingerlaartarnerisa amerlassusaat imaanilu uumassusillit illersugaanerat SNPI-mit oqaatigineqarpoq, Citronen Fjordimiit/mut Ironbarkip assartuussisarnissaanut atatillugu umiarsuit marluk sikusiutaatigisinnaasut atorneqassasut. Citronen Fjordimullu umiarsuit qasseriartutik utertarnissaat erseqqissumik oqaatigineqanngilaq, tunisassionerup annertussusaa naapertorlugu pisariaqartinneqarnersut. VVM-mi nassuiaammi arlaleriarlugu oqaatigineqarpoq ukiumut pingasoriarluni umiarsuit utertarnissaat pisariaqartinneqartoq (qupperneq 3-4, 6, 106 aamma 165), allamilu takuneqarsinnaalluni aasaanerani qaammammumut umiarsuit marloriarlutik pingasoriarlutilluunniit utertassasut (qupperneq 176 aamma 188). SNPI isumaqarpoq tamanna erseqqissaatigineqartariaqartoq, kisiannili tassa umiarsuit utertarlutik ingerlaartarnissaat ikittuararsuupput. Maligassarititaasullu taaneqartut malinneqassariapata (immikkoortumi 7.8.4, qupperneq 192 aamma ilanngussaq 6, immikkoortoq 10), SNPI-miit tamatuma imaani uumassusillit illersorneqarnissaat eqqarsaatigalugu sukannernerusunik piumasaqarnissaq pisariaqanngitsutut nalilerneqarpoq.

Suliniuteqarfiusut avataani angallaneq il.il.

VVM pillugu nassuiaammi allaqqavoq, "piffissami martsimiit augustip qiteqqunnerata tungaanut suliniuteqarfiusup avataani inuit nunakkoortullu motorillit (snescooterit nunakkoortuasinnaasullu motorillit allat) angalaartarnissaat inerteqqutaassasoq (tassa imaappoq sulisut sumiiffimmi tamaani ilisimasassarsioqqusaanngitsut) aqutsisut akuersissuteqarsimatinnagit" (qupperneq 139 aamma ilanngussaq 6, immikkoortoq 3). SNPI-mit immikkut maluginiaqquneqarpoq, Kalaallit Nunaata avannaarsuani kangianilu Nuna Allannugtsaaliugassatut Immikkoortitaq pillugu Namminersorerullutik Oqartussat nalunaarutaat nr. 7, 17. juni 1992-imeersoq §21, imm. 2 aamma §23 innersuussutigalugu, sulisut suliniuteqarfiusoq qimassagunikku nunamut eqqissisimatitamut isernissamut qinnuteqaqqaartariaqarmata. Taamaattoqassatillugu nalunaarummi kapitel III ilanngullugu innersuussutigineqarpoq, tassaniimmata maleruagassat nunami eqqissisimatitamiinnissamut, angalaarnissamut il.il. tunngassuteqartut. §11-mi assersuutitut takuneqarsinnaavoq, stationit avataanni nunakkoortit motorcykelit imaluunniit nunakkoortit allat motoritallit atorlugit angalasoqqaqusaanngitsooq, taamaallaalli sikukkoortuluni aputikkulluunniit pisinnaalluni.

Inussiarnersumik inuulluaqqusillunga
Med venlig hilsen

Peter Longsholm Jølbæk
Toqq/direkte 345430
pelj@nanoq.gl

Morten Thrane Leth
Toqq/direkte 346735
mthl@nanoq.gl

Jeppe Bender Jørgensen
Toqq/direkte 346709
jepj@nanoq.gl